



08561

梁溪先生文集卷第十八

特進觀文殿大學士致仕隴西郡開國公食邑
四千四百戶食實封一千七百戶贈太師諡忠

定李綱著

詩十四 在湖外作五十七首

谷簾泉

再遊廬山感懷二首

開先寺漱玉亭

瀑布

梁谿全集卷十八

簡寂觀

靈湯

偶成

歸宗寺四咏

廬山戲成

圓通寺與覺老步月

諸刹以水激磴磨殊可觀

子弟輩遊天池余以病不果往

戲贈東林珪老

西林寺

同許右丞遊東西二林

許右丞詩附

太平觀植瑞香可愛頗恨不及其花時

白公草堂

琵琶亭

過淵明故居

德安食枇杷

雲居勤老以書見邀不果往

憇潭田精舍

梁谿全集

卷六

聞子規

雲巖月林堂偶成古風

戲題墨梅

堯率寺

玉溪亭

過苦竹嶺二首

通城送季言弟二首

季言送至湖外往無爲挈姊族櫬

寄王周士絕句二首

寓居僧舍東軒池蓮盛開珪老有意見過

張子公以圓鑑見寄作詩答之

早起

有感再遊叢林

小塘

飛雲

讀留侯傳

東軒夜坐

浴罷和東坡韻

梁谿全集

卷十八

次韻謫居三適

懷季言弟并簡仲輔叔易

次韻張子公見寄二首

余久不飲酒雨過晚涼悠然獨酌戲成

葉落

無因再遊道林嶽麓

早秋

張子公以圓鑑見寄作詩答之

寓居僧舍東軒池蓮盛開珪老有意見過

谷簾泉

世稱谷簾第一
一惠泉第二

甘泉多自名山出世品谷簾爲第一溜
澗之水不易辨臆說詎敢評得失廬山深處爲谷簾度嶺穿雲
費時日道人裹飯時一到敲火烹茶資野逸坐令僕
隸致餅甃是非誠否良難詰世間知味定何人食蔗
多謂甜於蜜居然真僞相混殺徃徃循名因去實何
似家山陸子泉石縫迸出蒼龍淵山中空洞乳蒲腹
一派下作梁溪源清甘著舌久不散持以淪茗增芳
妍華堂石甃與覆護好事汲取肩相駢有時置酒飲
其上醉滌肺腑塵煩蠲緘題寄遠無僞者貴賤均飲
初不徧彼如幽人在空谷此若佳客臨風前未須細
較味優劣且問所處誰爲賢

梁谿全集

卷十八

四

余幼嘗一到廬山再遊已三十年矣感懷二首
夢想廬山三十秋却因謫宦得重遊禪林處處逢清
賞山路人人識故侯絕嶺半將雲幕覆飛泉長作玉
虹流平生邱壑真吾志一洗胸中萬斛愁

香爐峯頂紫烟凝三峽橋邊雪浪驚不爲迂疎成遠
謫豈能蕭散個中行雲霞映帶松蘿色殿閣深嚴鐘

磬聲回首世緣真夢幻故應長此寄浮生

開元寺漱玉亭

荃作葉

未遊漱玉亭先誦東坡詩手持芙蓉跳下清冷中疑
非謫仙不能爲此詞後翁三十年我亦遊於斯飛橋
已堙沒故跡多推移空餘高巖與深谷落日慘淡松
風吹白龍依舊出青峽散沫下作清連漪古來陵谷
會遷變况乃景物資人爲雲間灑灑吐寒月清光不
減翁當時相望一世發孤笑坐使萬古生長愁

瀑布

梁谿全集卷十八

五

我昔遊太華矯首望仙掌瀑布如江河斗落五千丈
空濛雨雹飛瀨洞巖壑響及觀廬山瀑未覺快清賞
飛泉出山腰半派隱層嶂沈吟謫仙詞其或過所獎
傳聞山之巔峰岫列屏障銀河落九天噴薄殊異狀
倒掛三石梁無乃在此上逝將隨羽人裹足一同往
懷哉不可得空積青霞想

簡寂觀

陸修靜
故居

高士不可見雲鄉空舊居煙嵐飛瀑外露石禮星餘
松老未歸鶴沼深清見魚何人得丹訣應有枕中書

歸宗寺四咏

紫霄峰
墨池

鸞溪
石鏡

孤峰秀拔翠岩巖峰頂虛無是紫霄從此上賓朝帝
所直須穩跨玉龍腰

溪流宛轉若翔鸞翠色涵虛特地寒底事舞餘窺碧

沼祗應誤作鏡中看

右軍真是墨中仙到處成池豈盡然祗有此間疑可

信白雲書法至今傳

羲之受書法於白雲先生今廬山白雲洞也

光射蒼巖石鏡屏我來一現豈無情誰云顯晦知時

節長伴空山寒月明

梁谿全集

卷十八

六

偶成

東坡題漱玉亭柱石云玉局散吏來遊而余領洞霄

洞霄吏上紫霄峰漱玉亭遊玉局翁人物風流何可

並山林趣舍略相同是非論定千年後身世塵勞一

夢中我是騎鯨謫仙裔赤鯁相逐御清風

靈湯

石甃靈湯列道周玉池金屋未相侔滌塵時有幽人

到不與驪山共一流

客言廬山往來之盛今不迨遠矣戲成此詩

福地禪林海內無盛衰亦與世緣俱祗應泉石不知

老長伴煙雲得自娛種杏仙家今寂寞獻花衲子亦
乾枯我生頗恨來遊晚也勝不來空看圖

圖通寺與覺老步月

候一作飯

石耳峯前松檜香月華天影夜茫茫道人試道侯溪
水何似曹溪一派長

諸刹以水激磴磨殊可觀爲賦此詩

疊石壅寒派湍流瀉迴溪誰將方便智成此妙圓機
輪幅互高下波濤鬱翻飛磨牙遞旋幹磴杵紛昂低
玉粒已粲粲瓊花亦霏霏雖存機械巧利澤成博施
梁谿全集卷十八

七

試語漢陰老使知渾沌非惟當善用心功與天地齊

子姪輩遊天池余以病不果往

雲山積翠倚穹蒼仙聖雲蹤寫上方瑞像世傳藏錦
繡神光人說是清涼心安是處皆歡喜眼正無時非
吉祥我病未能尋勝境慙慙爲爇一爐香

戲贈東林珪老

我遊廬阜南山北師住二林東院西試問遠公求作
佛何如陶令醉如泥苦邀名士同蓮社笑送幽人過
虎溪千載風流久寥落更煩拈出與提撕

西林寺

東林大禪苑殿閣傑以雄西林乃律居僧房小玲瓏
泉流庭廡間宛轉如鸞龍花竹深窈窕松蘿鬱菁蔥
縱觀魯公書遠揖峭直風餘碑雖崢嶸一掃凡馬空
安得數椽地介居二林中當有遠公流策杖時相從
翰方舍舟九江適會僕射相公道過二林得非

所期相顧歎息輒爲長句用志勝遊且以敘
別

公爲逐客向何州我亦離家賦遠遊邂逅二林成晤

梁谿全集

卷十八

八

賞寂寥千古想風流玉鏘溪堰涼吹榻蓋偃松蘿翠
滿樓明且作月日分攜重迴首鑪峯空見紫烟浮

道出廬阜偶值崧老右丞同遊東西二林蒙示

佳篇輒次來韻

迂疎又復謫南州假道江山得勝遊杖履欣逢長者
轍笑談同訪遠公流風搖杉檜驚寒夢烟鎖嵐嵐繞
翠樓回首中原意蕭瑟此生飄泊任雲浮

太平觀道士植瑞香於簷廡間可愛頗恨不及

其花時爲賦小詩

道人心境閒種花白雲鄉交柯碧珊瑚薺薺眾葉光
弱質資灌溉孤根怯清霜治畦簷無間晏温借朝陽
我來恨太晚不見花吐房想像正開時淡紫兼微黃
濯濯炫秀色霏霏懷天香空餘風露枝璀璨繞迴廊
地靈草木潤長與蕙蘭芳明年花更好矯首遙相望

白公草堂

樂天平生不可及謫官乃作廬中集香爐峯下結草
堂石屏紙帳隨時給維摩丈室亦何有天女散花空
結習何須江上聽琵琶泫然淚滴青衫濕

梁谿全集

卷十八

九

琵琶亭

去年假道潯陽城扁舟夜泊琵琶亭卻憶當時醉司
馬送客江頭秋月明今年謫官又重到埽地乃綠蜂
寇經軒楹回首已不見況欲更聞絃索鳴西風蕭蕭
蘆葦響月色下照江波清祇應風月長不老坐閱塵
世猶流萍我生多病苦憂患未能忘世那忘情移舟
相近夜悄悄側聽疑有檀槽聲

過淵明故居

捨權溢浦城稅駕柴桑里緬懷靖節翁衡宇茲避世

乞食雖甚貧折腰肯爲米陶然傲羲皇獨得醉中意
三徑不願餘五斗聊自詠優游晉宋間俯仰無可愧
若人骨已朽凜凜有生氣斜川尙環流層城亦秀峙
如何高世士廟貌乃頽圯誰將一觴酒薦此菊與杞
絃詠歸來辭感歎成坐起

德安食枇杷

故人餉盧橘烟雨江上村芳津流齒頰核細肌豐溫
誰爲黃金彈偏宜白玉鱗返源旋味處寂寞自無言
雲居勤老以書見邀不果往戲作此頌寄之

梁谿全集

卷十八

十

吾師脫浮玉振錫來雲居江邊波浪已遠去山頂風

雷應晏如我來問津師草屨尺雲岑一作峯帳難到師旣

拘折拄杖不出山我亦把定韁繩不下道試將此意

示叢林撫掌呵呵同絕倒

午暑憩潭田精舍老僧求詩詢其曾游方否云

以少嘗一到分甯感而賦此

修江深寂處蘭若寄高邱松竹有古意雲山無世愁
老僧頭已白鄰邑幼曾遊自晒何爲者半生踰百州

閩子規

江南四月五月時空山月夜啼子規勸我不如歸去
好我方遠謫何時歸中原杳杳暗鋒鏑縱使得歸何
所益不如且住碧山中爲憑青鳥通消息

寓雲巖月林堂同貧菴竹菴二禪老夜坐松竹

間偶成古風

雲巖古叢林幽勝侔衡廬虛堂翠陰合松竹十畝餘
我來正徂暑小憇慰修途中夜起徐步涼颺颯輕裾
娟娟雲間月照此青珊瑚寒影搖鎖碎清光散扶疎
流螢辭稀星重露冷高梧晏坐林下石乃與禪人俱
諦觀空色間深味金僊書萬籟夕都寂遊心物之初
借問塵埃中還有此樂無何當兵草息歸老山中居

戲賦墨畫梅花

道人畫手真三昧力挽春風與遊戲露枝烟蘂忽媽
然自得工夫畦徑外由來黑白無定姿濃淡間錯相
參差烟如落月耿寒影翳若宿霧含疎枝群芳種種
徒繁縟脫略丹青尤拔俗妙質聊資陳氏煤幽姿好
伴文生竹世呼墨竹爲墨君此花宜稱墨夫人鉛華
不御有餘態世間顏色皆非真年來妙觀齊空色天

花時露真消息試煩幻出數千枝不費梁谿一九墨
兜率寺

隨意寓禪房小軒風露涼山幽雲傍戶林迥月窺牀
竹色晚增翠桂花秋欲香無人知此意天影碧茫茫

玉溪寺

玉溪何日寺古佛亦塵埃高閣雲初卷小池蓮半開
竹風清枕簟松露滴莓苔寂寞溪邊路幽人自在來

過苦竹嶺二首

絕嶺橫鳥道江湖從此分沈吟洞庭夜悵望具區雲
梁谿全集卷十八

十一

去住本非我別離空念羣子規啼苦竹腸斷不堪聞
今日江湖境雙眸嶺上明山光隨地好秋氣逼人清
隴水初分處雲鴻欲別情離群古來有歎息未休兵

次通城送季言弟還錫山二首

半載相從作遠游物華苒苒又新秋江南山水其清
賞湖外風煙成獨留家遠爲傳安穩信時艱增重別
離憂渚宮此去無多地悵望猶登黃鶴樓

佩一作初

陸離長佩切雲冠澤畔行吟且佩蘭我已安心爲逐
客子今何事亦拋官江湖鴻雁初寥落風雪鶴鴒相

熹難歸去家山見諸季爲言努力且加餐

季言送余至湖外欲往無爲挈其姊旅襯歸錫

山憫其勤贈此一絕

送我謫官遷姊殯人生如汝亦勞哉他時寄骨西江
上煩汝還須得得來

寄王周士絕句二首

偶然一病便休官萬石巖中處已安底事言來猶剩

言作畫

語也知習氣掃除難

年來百念冷于灰夢到江頭又一回從此故人音問

頭一作湖

梁谿全集

卷十八

三

近洞庭秋色雁初來

寓居通城僧舍東軒池蓮盛開竹庵珪老有意

見過戲贈此篇

道人庵外萬竿竹何似小池千葉蓮月白風清誰共
此心閒境寂兩翛然好拋筠粉媚娟淨來看荷珠的
的圓飛錫倘能真過我直須趁取未霜前

張子公以圓鑑見寄作詩報之

我觀大圓鑑瑩澈靡瑕垢清光溢寒蟾碧井窺古鬢

冰池絕塵埃玉璧遜好肉不知何年鑄欸識雜篆籀

遜一作無

冷然照肝膽况燭須眉秀英英張子公輟贈意獨厚
使我正衣冠更似別妍陋嗟予罹百憂半世困馳驟
蒼浪齒髮衰已覺成老醜幸茲置寬閒閉戶念往咎
冠歆與珮落顛倒聽襟袖平生遭謗讒白黑坐分割
逝將杜德機漸可塞智竇豈徒齊美惡端欲一昏晝
鑑焉何所施無乃虛授受聊持戲鳳匣藏此蟠螭紐
精光祕不露猶使魑魅走詎逃鸚鵡形時作蛟龍吼
君看方寸間此物誰蔽覆靈臺湛虛明廣博含宇宙
纖毫莫凝結萬象悉籠圍宜隨古今移不逐面目皺

梁谿全集

卷十八

十四

人人各具足一一謝雕鏤無塵安用拂表裏自通透
諸佛亦何爲四智此爲首祖師持出遊法器久已就
那將清淨眼更入煩惱部隨緣夢幻中坐閱蠻觸鬪
本來妙明心一念證無漏持此還寄君試問承當否

早起

秋曉淒然枕簟涼小牕殘月尚臨床追尋夢境煙雲
散起傍荷花風露香慨念闕河心黯黯諦觀身世意
茫茫樽中有酒聊須醉造物於人自叵量

有感

三年再謫墮江湖何啻經行萬里餘環繞真同循磨
蟻羈窮更類局轅駒自憐許國心猶壯却笑謀身術
已疎二聖未還民未靖尚思痛哭奏囊書

小塘

誰使精廬鑿小塘坐令天女試新粧風搖翠蓋珊珊
響露裊紅衣苒苒香棊罷雨聲來絕巘夢回月影尚
修廊我生本自無根蒂觸處爲家殊未央

飛雲

飛雲遊碧虛天矯龍蛇勢因風態無窮抱日色增麗
飄然欲安歸出岫非本意爲霖竟何成跂望增嘆喟

梁谿先生集

卷十八

十五

讀留侯傳有感

秦人失鹿解其紐群雄競逐死誰手天方注意隆準
公故使留侯作賓友圯上老人親授書言從志合豈
其偶捕取項藉如嬰兒指麾諸將猶獵狗運籌決勝
帷幄中楚漢存亡良已久誰言劉季田舍翁祇聽人
言本無有但能信用子房謀何妨抱持戚姬日飲酒

東軒夜坐

苒苒流年催白頭此生那向此淹留天高露下物華

肅月澹風清僧宇幽荷底光茫螢照水草間悲怨蚓
吟秋夜涼人聞家千里別是羈臣一段愁

僧字一作僧舍

浴罷追和東坡韻

華髮短且稀無事蘭湯沐及茲秋暑闌頭垢資一浴
平生冠裳汗往咎不可復聊將清冷泉濯此空洞腹
荒山薪易採巨斛水良足融融氣通膚爛爛光溢目
枵然勺用瓢何必池甃玉呼童爲爬背自勝飛燕沃
振衣絺綌涼踰汗風前竹却來就繩床一枕睡初熟
忘世安用愁拋書且休讀夢中期汗漫萬里歸一曝
梁谿全集 卷十八 六

次韻謫居三適

旦起理髮

未能運河車上泝泥丸宮鬢髮忽已華颯若肩雪松
清晨起自理濯此萬里風蕭蕭櫛齒快浙浙氣脉通
呼兒助千徧緩手無忽忽我生本疎懶誤墮軒冕中
野馬就羈勒何如霧生鬢握髮諒未能散髮聊與同
金丹變鬢色綠合亦易逢迺將弄雲海一訪安期公

午牕坐睡

涉世幾滅頂欲爲多掣肘功名如浮雲於我亦何有
惟茲華胥國風土諳已久坐中可斷取聊試維摩手
昏昏一卷書兀兀三盃酒飄然到其鄉自覺樂而壽
嗟我蒲柳姿未老先已朽何嘗慕管簫但欲師廣受
未能脫羈束洗濯愈瑕玷已矣姑兩忘蘧蘧學莊叟

夜臥濯足

養生貴養足不假衾與裯温温斗水間可以解我憂
月露夜寂寂風雨寒颼颼呼童具盆湯足若雙蜎投
老來嗜坐臥突兀鷹在鞞有時起游行恍訝煙雲浮
梁谿全集卷十八

七

懷季言弟并簡仲輔叔易

我昔謫沙溪爾送至虎邱相攜觀劍池共坐蒼崖陬
霜寒草木哀肅肅天地秋慷慨論世故豈復知離愁
中間謫雲安爾病家山留獨與仲及叔分攜浙江頭
潮聲來海門風雨助颼颼銀濤蹙天起泛此一葉舟
及茲謫武昌爾復從我游回環溪壑間渺若雙沙鷗
長江快清曠廬阜探奇幽行盡江南山始次湖外州
傳聞浙郡兵盜用官庫矛夜探赤白丸殺吏起相讐

懷家動歸心觸熱遽還輈作別今幾時此情浩難收
塊處誰共語把酒無與酬憑高欲遠獨上黃鶴樓
吳越天杳杳風烟晚悠悠顧嗟彌處士坐困鸚鵡洲
胡虜氣方橫盜賊起如蠱中原暗鋒鏑江漢屯貔貅
爾歸議遷徙已有定論不黃屋尚飄泊吾敢懷燕休
但願復相見一解無窮憂泣然念蒼生豈爲吾身謀

次韻張子公見寄二首

處世何愁夢裏人大干沙界幾迴巡萬緣盡處方爲
我一念生時已是塵幻境是誰從出沒舌根何物辨
甘辛安心須到無心地始契如來清淨身

功名身外兩悠悠有意功名已可羞與世浮沉非我
意觀時進退豈人謀不能爲國闢百里祇欲歸耕老
一疇禍福死生皆默定初非捨去亦非求

余久不飲酒雨過晚涼悠然獨酌戲成此篇

崎嶇歷落真可笑飄泊流離初不羞蒼髯華髮老張
鎬火色鳶肩窮馬周身長九尺安所用命酒一斗聊
銷愁醉中起舞頗自得慷慨不知風雨秋

鏗然一葉已驚秋况復紛紛巧見投振槁不禁風淅

鏗一作蕭

淅催寒長共雨颼颼洞庭波起初微脫雲夢霜高浩

蕭一作宇

不收舞砌穿帷不須掃蕭騷從伴逐臣愁

去歲寓長沙遊道林嶽麓真天下絕景也今相

去不遠無因再遊賦詩見意

衡山之陬湘水濱道林嶽麓天下少蟠岡複嶺相掩

重石磴松門遞繁繞經行多在烟靄間臺殿半開雲

木杪衲僧宴坐禪寂餘朝磬暮鐘清香憑高曠望

楚天濶志氣已逐飛鴻矯橘洲楓浦指顧中俯視更

涵朱鉛全集

卷十八

九

覺長沙小風檣浪舶干艘屯丹樓粉堞百雉繚蒼茫

曉色散平川點綴殘霞映疎蓼從來篇翰誰最優沈

宋杜韓爭表表古今塵跡散烟雲獨有斯文傳不了

隔年清賞回首空期欲再遊真澹渺蒼梧九嶷雲漠

漠青草洞庭風嫋嫋有時幽夢一到之覺來枕席清

秋曉人間萬事不由人安得忘情逐猿鳥

梁溪先生文集卷第十九

特進觀文殿大學士致仕龐西郡開國公食邑
四千四百戶食實封一千七百戶贈太師諡忠

定李綱著

詩十五

在朔外作
三十六首

五哀

并序

黃陵廟

望九疑

望洞庭

梁溪先生全集

卷十九

促織

秋風二首次子美韻

次韻艾宣畫四首

西風行

畫草蟲八物

讀二疏傳

著迂論有感

建炎行

五哀詩 并序

湖湘間多古騷人逐客才士之所居故其景物淒涼
氣俗感慨有古之遺風余來武昌慨然懷古作五詩
以哀之

楚三閭大夫屈原

楚懷聽秦誑身作咸陽鬼當時屈原爭坐因椒蘭毀
襄王復不悟遠作江南徙行吟沅湘間形槁顏色悴
著書稱離騷風雅齊厥理鴟鴞況小人鸞鳳喻君子
眷眷不忘君一篇三致意紉蘭採杜若冠佩空自偉

梁谿全集

卷十九

二

舉世混濁中誰與同樂此忠臣會遇難千古共一軌
人情疎鯁亮物態便輒美存亡反覆間悔及良晚矣
嗟嗟屈子心芳潔疇與比日月可爭光塵垢安能滓
聊從太史卜肯逐漁父醉甘葬魚腹中懷沙汨羅水
千秋身後名芬馥同茁芷夫豈椒蘭徒據勢長不死

漢梁王太傅賈誼

賈生公輔器弱冠遊漢庭高論帝王略妙極理亂情
出意對詔令驚倒諸老生從容畫籌策籍籍蜚英聲
是時漢初定頗雜秦霸稱力還沿古制物物與正名

改朔易物色庶幾禮樂與儀章悉草具與儀當公卿
豈知絳灌徒諧毀如建瓴天子疎不用請去長沙城
翩然渡湘水投書弔屈平棄鼎寶康瓠鉛刀鈍青萍
微言豈悼屈聊復以自評長沙地卑濕安得壽且寧
及觀鵬鳥賦頗覺生死輕晚奉宣室對夜半前席聽
文帝豈易遇所言略施行雖不位卿相儒者良已榮
梁王墮馬死泣涕亦傷生受任乃如此孤忠本精誠
奈何君臣義澆薄返不明緬懷古人心使吾氣拂膺

漢處士禰衡

梁弘治全集

卷十九

三

禰生抱逸韻乃是古之狂負才頗傲物齒少氣方剛
懷刺遊許下漫滅竟摧藏肯從屠沽兒借面與弔喪
偉哉孔文舉國寶惜路傍上書薦一鶚欲使觀翱翔
振翼雲漢間永垂虹蜺光飛鬼與騷裊滅沒不可望
觀其慰薦辭器識豈易量平生輕魏祖縱口成否臧
召令爲鼓吏閱試當改裝蹀躞初散步摻搗作漁陽
聲節旣悲壯容態隨低昂岑牟與單絞裸袒易故裳
卻來坐軍門畫地聲琅琅曹瞞黠如鬼嗜殺猶虎狼
縮手不敢動送與劉及黃娛賓賦鸚鵡節奏陵笙簧

援筆不加點粲然已成章高才竟爲累蘭麝空餘香
至今鸚鵡洲葭葦秋蒼蒼醜哉殺士名千古不可忘
唐中書令褚遂良

正觀萃羣英實爲太平基褚公初侍書遂以體亮知
諫疏屢獻納對揚竭論思翩如丹山鳳來爲簫韶儀
飛鳥自依人此言已堪嘔更聞讚劉洎厥理尤足疑
賢者雖已矣可以此心推薰猶難共器梟鸞不全棲
故令敬宗輩汗染成瑕疵我觀永徽間武氏盜政機
禍端始牀第幾使國祚移當時河南公力諍伏丹墀
涇宋谿全集卷十九

卷十九

四

頓首願還笏丐身田里歸義氣動人主回天初庶幾
鄙哉英公勤一言遂成非坐令牝雞晨啄喪靡有遺
元勳顧命老遠竄湘江湄茫然不復召詎意抱頭時
卑濕所不堪須髮盡成絲至今潭府帖志士生長悲
唐工部員外郎杜甫

子美以詩鳴古今無對手當時謫仙人長句頗先後
精深律切處故自非其偶而况郊島徒何敢窺戶牖
有如登岱宗衆山皆培塿又如觀武庫劒戟靡不有
高辭婉邱墳古意篆蝌蚪蒼蒼雪中松濯濯風前柳

雲烟紛卷舒雷電劃奔走澹然衆態俱沾丐隨所取
平生忠義心多向詩中剖憂國與愛君誦說不離口
飢寒窘衣食容貌村野叟自以稷契期此理人信否
中與作諫臣戎馬方踐蹂上疏救房瑄亦足知素守
一跌不復振造物意豈苟欲使窮吟哦專志如矇聵
辛苦盜賊中妻子或顛仆布衾冷如鐵晨爨乏升斗
冒雪斲黃精呼兒理魚笱蕭條秦隴間不廢詩千首
依嚴遂入蜀幕府備賓友草堂浣花溪頗復事南畝
亂離又飄泊纍若喪家狗雲安麩米春巫峽風土陋
扁舟下瞿塘留滯湖湘久家事竟何成丹訣空繫肘
淒涼禾陽縣醉死竟坐酒雖煩微之銘不返鄠杜柩
誰將樽中漆一酌泉下朽詩篇垂琳琅長作蛟龍吼

黃陵廟

湘妃廟貌枕江湄不見當年鼓瑟時玉佩風搖雲冉冉
翠帷烟濕草離離淒涼清淚留斑竹寂寞深林叫
子規斷簡遺篇杳難考無人爲立退之碑

望九疑

洞庭渺漭蘆葦秋九疑聯綿烟靄浮重瞳一去不復

返蒼梧雲物空凝愁兩階千羽久寂寞千古夷夏相
仇讎安得垂衣轉琴軫薰風爲解吾民憂

去歲道巴陵登岳陽樓以望洞庭真天下之壯

觀也因誦孟浩然氣蒸雲夢澤波蕩岳陽城

之句殆古今絕唱用以爲韻賦詩十篇

登樓窺洞庭滄波渺無際波間起飛龍慘淡帶雲氣
雲雷倏變滅天水共澄霽矯首望君山鏡面青螺髻
地枕江湖濶秋來多鬱蒸山城少見日霧雨長冥冥

今夕定何夕月華風露清于此興不淺欄干聊復憑

梁谿居士集

卷十九

六

秋色到極浦層空靄行雲長劒舞玉珥欲降雲中君

舞一作撫

桂旗澹偃蹇風馭何繽紛淹留豈子願沐浴空蘭薰

此身墮江湖恍若在清夢夢中亦何爲思古亦長慟

心馳關塞遠目與飛鴻送賈客不知愁淒然笛三弄

江湖渺無涯悵然懷震澤地分吳楚遠天共雲水白

鱸魚正堪鱸蟹螯亦可擘何日歸去來秋風思遷客

西風木葉脫洞庭水增波蘋芷蒲洲渚有懷憂思多

渺渺帝子愁欲降山之阿蘭蒸奠桂酒浩唱聞九歌

湖光如鏡平風雨一搖蕩蜿蜒舞翠蛟洶湧疊銀浪

帆檣走陣馬勢出霄漢上吾生幸可惜何事魚腹葬
濯足洞庭波秋高翠增岳美人渺何在使我懷抱惡
悠悠江湖深坐阻關山邈採蘭欲寄之終朝不盈握
重湖望不極秋色霽殘陽洲渚雲沙白菰蒲霜葉黃
飛帆適沅澧迴雁過瀟湘楚客經行處依然蘭芷香
江湖秋日暮遠客若爲情宿舸沙邊纜征鴻雲外聲
星河搖倒影鼓角起江城去國同王粲登臨百感生

促織

促織哀吟不自勞草根床下夜蕭騷吾爲逐客宜無

梁谿全集

卷十九

七

寐何事勦鼉至日高

秋風二首次子美韻

秋風淅淅吹南山胡騎憑陵窺漢關金輿玉輦幸沙
漠雨載于今猶未還中原道路盡豺虎擇肉漸覺來
荆蠻運籌帷幄策安出母事推注移文間
秋風淅淅吹客衣日光奄奄浸已微自吾行吟楚澤
畔三月不通家問稀清霜冷落歲將暮僕御借問何
時歸我今萍梗任飄泊懷土却悟從來非

次韻艾宣畫四首

竹鶴

磊落胎仙誰最宜此君節操凜霜威琴心試與彈三
疊從看婆婆娑舞羽衣

黃精鹿

黃精茁盛雪初融疊疊峯巒紫翠重巖前雙鹿臥底
事祇應春日長新茸

杏花白鷗

春入群芳此最妍露枝烟蘂裹成團不知問客來何
處獨傍花枝子細看

梁谿全集

卷十九

八

蓮龜

紅粧翠蓋曉參差水面浮遊有戲龜誰道千年解巢
葉也知曳尾已多時

西風行

西風隕高梧秋暑退殘熱豈不欣微涼寤歎驚急節
歲華聿云暮露氣繁霜結干戈隨凝陰虜騎壯勝鐵
邊防久凋殘河洛據戎羯中原無長城何以限逸越
傳聞今年春關輔已蹀血強兵健馬區乘間肆陵蔑
况茲柔脆鄉豈復勞齧齧江漢非不深天險爲人設

要害無重兵一葦自可絕恬然不爲備廟筭豈有說
翠華果何從大計宜早決緬懷沙漠寒矯首望漢月
杳無鴻雁來寧不野鼠掘何時金鳳輦復返蒼龍闕
群生有安堵國耻稍一雪努力肉食謀旁觀已心折
畫草蟲八物

蚊

蠅

所志惟一飽聚聲如雷車秋來腹長飢撲撲啄作花
情態真可憎畫成因誤墨薨薨亂雞鳴慘慘變白黑

梁谿全集

卷十九

九

蜂

杪忽腰如壺聯繇窠若屋毋輕懷袖間防此蠆尾毒
蝶

螳螂

粉翅搖春暉翩翾自來往勿貪花草香觸此飢蛛網
飄飄綠衣郎怒臂欲當轍君王求勇士嘉爾能仗節

蜻蜓

雙睛碧珠堂四翅青羅薄但知逐飛蚊不復顧黃雀

蟋蟀

戚戚鳴歲暮不知有春秋肯信鯤與鵬同作逍遙遊
絡緯

讀二疎詩

都門供帳設祖道冠蓋如雲聲浩浩送車百輛知爲
誰太傅少傅同歸老道傍觀者爲泣下賢哉大夫能
自保酒酣禮畢辭決去脫若林泉放魚鳥當時宣帝
重法律視遇公卿同隸阜楊惲所坐祇語言趙韓之
誅亦草草故合二傳動歸心未必筋骸果衰槁父子
梁谿全集卷十九

十

著迂論

相隨出漢關歸來自覺故鄉好黃金散盡宴親賓日
治酒殺供洒掃肯將田宅遺子孫清白傳家最堪寶
寂寥千載想風流知止不辱何其早

長笑梁溪翁平生有餘拙于今欲行古無乃亦癡絕
施之廊廟間放步足已跌下帷更潛思又復廣陳說
從來坐言語得謗今未歇曾不少創懲謔謔祇強聒
惟堪覆醬甑詎足議往轍掉頭謂不然此理君未察
立言與行事垂世初不別身窮言乃彰貽範有前哲

周文拘姜里易象乃成列仲尼道不行褒貶代賞罰
屈原困椒蘭澤畔採薇蕨離騷體風雅光可爭日月
虞卿罷趙相梁魏頰屑屑世亦傳春秋端爲窮愁設
聖賢垂簡編往往因憤發避謗不著書陸子良已黜
區區禍福問何足議宏達泛覽古人心一一可坐閱
大略觀規模微情析毫髮幽光發干將潛厖戮饕餮
會有知我人玩味爲擊節安知千載後觀樂無季札
豈能繼潛夫粗可做荀悅子雲芳草元解嘲何可缺

建炎行

并序

梁谿全集

卷十九

十一

余去歲夏初自長沙聞尹京之命率義旅入援王室
次繁昌得元帥府檄審虜破都城二聖北遷號慟幾
絕至當塗見赦書上登寶位且喜且悲意欲一到行
在覲新天子道胸中所欲言者卽丐歸田里此其志
也行次淮楚間忽聞已告廷除拜荷特達之知感極
而泣以六月朔抵南都有旨執政出迓賜燕子金果
圍具奏丐免詔卽入城是晚召對內殿敘陳國家禍
故上嗣位慰天人之望泣謝首被選用顧材力不堪
弗敢當乞遴擇足以副公議者上慰勞久之卽遣御

藥押赴都堂治事翌日再對復力辭三上章表皆優
答不允是時僞楚張邦昌以太保同安郡王領三省
事五日一會都堂卽建言邦昌僭竊不宜與政臣不
可與同列凡受僞命者皆宜正其罪以爲臣子之戒
具奏十事皆當時急務度能從乃敢受命有旨付三
省施行又與執政廷辯至泣拜以辭上感動始罷謫
邦昌與受僞命者翌日乃受告因爲上規畫所以
捍禦金寇奉迎鑾輿之策且謂河北河東國家之屏蔽
雖頗爲虜所陷沒然其兵民戴宋之心堅甚朝廷不

梁谿全集

卷十九

十一

議救援使其力屈而附賊爲患非細于是薦張所招
撫河北傅亮經制河東二人者皆有將帥才具甲兵
錢糧而遣之又請車駕一至京師見宗廟慰都人之
心度未可居則巡幸南陽駐蹕示不棄中原而西通
關陝可起兵馬東通江淮可運糧餉南通嶺蜀可取
貨財北援三都兩河與賊爭利天下形勢莫便于此
有旨遣使經畫又勸上益募兵買馬繕器械修軍政
擇將帥置帥府要郡以經略天下是時劇賊李昱擾
山東杜用起淮南李孝忠亂襄漢皆遣將討平之其

餘降者十餘萬皆分隸諸將使渡河討賊纔兩月間
威令稍振竊以奉令承教可幸無罪中興之功庶幾

可成不意同列者害之陰以巡幸東南爲安動上意

告一作造

八月五日告廷遷左僕射旣命二相矣於是顯阻張

所而罷傅亮連數日爭之不可得則丐罷政奏上以

謂方朝廷艱難不敢充位備員以虛負天下之責章

三上再押入一對後殿力求去上度不可留乃除觀

文殿大學士提舉杭州洞霄宮泛舟東歸已而言者

交章 詆在相位施設不當且誣以傾家貲犒叛卒

梁谿全集

卷十九

十三

聞者駭愕賴天子睿明有以察其不然姑褫職俾以
宮祠居武昌聞命卽上道適潁江盜賊擾攘間關道
路踰半年始達湖外追思前事恍如夢寐而連年奔
走繚絡萬里初不知其所以然夫出處去就大臣常
事不足道也然金人今春果擾關輔蹂踐京東西河
北兵民叛爲盜賊皆如所料變輿遠幸未有可還之
期翠華飄泊未有定居之所生民未休息中國未又
安此臣子之所夙夜痛悼而寒心者也噫天實爲之
謂之何哉掇取出處去就大概賦詩百二十韻目之

曰建炎行覽者庶有感云

金寇初犯闕太歲在丙午殊恩擢樞廷愧乏涓埃補
兩河未奠枕仗鉞出宣撫乞身緣謗讒竄謫旅湘激
明年丁未夏被命尹天府頗聞環京畿四面盡豺虎
金湯雖可恃憂在人不可禦見危思致命入援襄義旅
旌麾亘江湄畏景觸隆暑忽傳元帥檄果有城破語
鑿與幸沙漠妃后辭禁籞皇孫與帝子取索及稚乳
禮文包旂裳樂器載笱虞金縢罄公私技巧到機行
空餘宗廟存無復薦籩簋淒涼蒼龍闕寂寞玉華廡
梁谿全集

卷十九

十四

疇能供御粟誰與獻肥羜無從執羈勒安得生翅羽
號慟絕復蘇灑淚作翻雨繼聞宣赦書寶位登九五
神明有依歸率土盡呼舞皆言湯武姿勇智天所與
向來使賊營英氣讐驕虜建牙出危城帝命續鴻緒
不然艱難中何以脫貔貙茲讎不戴天兄弟及父母
嘗膽思報吳枕戈懲在莒齊侯何足稱勾踐不須數
周漢復再興宣光定神武願言覲行在玉色親散舖
丹誠遂披陳秘策得宣吐謀身性雖拙許國心獨苦
片言倘有合丐骨歸壠詎飛帆過金陵鼓柁適淮浦

遙傳告大廷命相比申甫顧茲斗管器何以動堯禹
深惟特達知感慨激肺腑如何日月光可以螢燭助
舍舟行汴堤驅車赴延佇傷心兵火餘民物亦凋瘵
中使乘駟來茶藥寵賜予拜恩邱山重坐使瘵癘愈
行行近南都戈甲震金鼓將佐迎路傍往往多舊部
冠蓋如雲屯賜燕金果圃謝免徑造朝淚落濕殿礎
初稱宗社危天地同憤怒次陳國多難實啓中興主
末言樛散材初不堪梁柱卽顛將覆餗棟橈必傾宇
況茲扶顛危正賴肱與股大舜舉皐陶小白相仲父

梁谿先生集

卷十九

五

耕莘與釣渭端不乏伊呂惟當博詢訪考慎作心膂
封章屢懇辭帝曰莫如女往作礪與舟不復容偃僂
叩額宸扆前臣敢論僞楚易姓建大號厥罪在砧斧
奈何坐廟堂乃與臣等伍更效老獵師十事聽裁處
天子亮精誠一一皆可許因陳禦戎策用此敢予侮
河外須救援屏蔽資捍拒問誰可驅策因薦亮與所
京師當一到九廟陳鼎俎却爲巡幸計不可去中寓
南陽光武興形勢亦險阻西通關陝區東與江淮距
三巴及嶺海寶貨可運取據要爭權衡黜虜謀必阻

募兵益豨豨買馬增牧圍號令新幟旗仗械飭干櫓
軍容人不振整頓就規矩潢池盜弄兵群惡相嘯聚
偏師命剪除快若貓捕鼠餘寇悉歛降分隸歸籍簿
蒐裒將帥材賞罰頗有序經營年歲間庶可事大舉
滅虜還兩官雪恥示千古却隆太平基不愧宗與祖
豈知肘腋間乃有椒蘭妬含沙初射影聚毒陰中蠱
規模欲破碎謀議漸齟齬固知醜峭姿自不敵媚嫵
恨無回天力剔此本中蠱安能破銅山但志燃郿塢
時危敢尸祿抗疏願引去涕泗對冕旒非不戀軒寧

梁谿全集

卷十九

六

君臣以義合無使藉春杵帝度不可留乃聽上印組
扁舟返東吳却理梁溪舫多言更萋菲貝錦成罪罟

尚荷皇天慈一作承薄譴居鄂渚我來雪罪罪及此歲將暮

崎嶇山谷間避寇如避弩行盡江南山始踏湖北土
風烟愁浩蕩鴻雁折儔侶沉吟白雲飛悵望黃鶴翥
晴川俯漢陽葭菼滿鸚鵡家山渺安在幽夢到別墅
三年再謫官線絡萬里路浮遊幻境中塵跡歎俯
翠華尚蒙塵吾敢念門戶但嗟機會失事勢契先觀
今年虜益橫春夏蹂京輔萬騎略秦關餘毒被陳汝

五陵氣葱葱中原鬱膻膻棄置不復論彌望皆莽鹵

盜作抄

旌旆滿江淮寇盜連齊魯六飛竟何從秋晚尚江滸
何時包干戈禮瑞奠璜琥斯民安田疇餘穀棲廩庾
四方道路通舟車走商賈吁嗟呼蒼天乃爾艱國步
譬猶大厦傾著力事撐拄居然聽頽覆此身何所措
又如抱羸瘵邪氣久已痼不能親藥石乃復甘粃粃
膏肓骨髓間性命若絲縷安得和緩徒舉手爲摩拊
馴致海宇康蒼生有環堵

梁谿全集

卷十九

七

梁溪先生文集卷第二十

特進觀文殿大學士致仕隴西郡開國公食邑
四千四百戶食實封一千七百戶贈太師諡忠

定李綱著

詩十六

在湖外作
五十二首

中秋望月有感

張子公再得湖倅因書寄之

聞翁士特攜家居膠山

十六夜月二首

梁谿全集

卷二十

讀諸葛武侯傳

秋夜有懷二首

崇陽道中作四首

宿巖頭寺

寓崇陽西山定林院有感三首

巖桂二首

次韻鄭教授見寄

鄭詩附

灌溪三詠

題青龍興化禪院方丈

聞山東盜破黃州

得諸季書報薛克寅范茂載胡仲儼皆物故感

愴有作

山居四感四首

山居四景四首

山居四適四首

山居四卉四首

淵聖皇帝賜寶劍生鐵花感而賦詩

和淵明貧士詩七首

梁谿全集

卷三

二

次韻淵明九日閑居

初寒

蜜蜂

牛病

山居四感四首

山居四景四首

山居四適四首

山居四卉四首

中秋望月有感寄叔易季言并簡仲輔弟

前年湖內中秋月玉帳初寒鐵衣滑羽書猝至不成
眠坐伴清光到明發是時季弟在幕中病隔紗窓其
談說出師未捷身已死繼被宸章召還闕去年中秋

寓宋都金針篆字有除書夜同叔弟坐月下仰望赤

有一作看

氣環斗樞經營兩河初就緒斤罷將帥良非圖陵晨

廷爭不可得上還卽綬歸東吳今年謫官旅湖外又

值中秋有佳氣纖雲四卷天無河月色滿庭如潑水

宋一作崇

緬懷諸季會合艱但與阿宋相勞慰舉盃邀月應笑

梁谿全集

卷三十一

三

人處處相逢萬餘里我生端遇國步艱出入將相三

年間功名富貴亦何有慨念四海悲沈瀾心馳沙漠

關塞遠身墮江河風露寒不須更問世間事但願對

月身長閒

張子公再得湖倅因書寄之

吳興別去久飄蓬清夢時遊茗書中十里荷開生色

畫四圍波泛水晶宮嘉君再擁朱旛貳顧我今成白

髮翁倘幸寬恩聽歸去定須相訪玉湖東

膠山蘭若幽勝予寓梁溪久而未之到聞翁上

特攜家居其間賦詩見意

聞道膠山寺幽深過惠山僧房穿窈窕石溜落孱顏
地僻車馬絕山空松桂環鐘聲清靄外剝影白雲間
旅泊君得計飄流吾念還時危斲安適景勝且躋攀
耿耿寸心赤蕭蕭雙鬢斑搶攘憫師越寂寞墮荆蠻
風月三千首軒裳五兩綸戎車傷浩蕩綵服羨編爛
天地旌麾滿江湖鷗鷺閒何時共樽酒世路正多艱

十六夜月二首

清光殊未減碧落絕纖塵絳闕飛金鏡銀河渡玉輪

河一作潢

梁谿全集

卷三

四

霏霏烟靄滅漉漉露華新倚幌人千里遙知翠黛顰
常娥長不老宮殿復清秋丹桂欲飄子素蟾相對愁
林寒枝繞鵲江迴水明樓逐客幾弦望又看成玉鈎
讀諸葛武侯傳

天下兵戈正雲沸伏龍鳳雛那可致掉頭自作梁甫
吟壠上躬耕方得意將軍漢裔真英雄惠然三顧草
廬中心期賂合論世故如魚得水雲從龍指麾顧盼
定巴蜀抗魏連吳分鼎足受遺乃在永安宮歎息君
臣難繼躅南征五月深渡瀘上疏北伐遵遺謨連年

動衆擾關輔數戰未必非良圖大星夜墜驚營壘壯
志雄謀嗟已矣至今魚腹淺沙中八陣依然照江水

秋夜有懷二首

草木又搖落關河方阻深龍庭空入夢雁足不傳音
黃傘遊何處蒼生思至今娟娟江漢月空照逐臣心
坐失金湯險搖搖翠蓋飛空聞八駿御不見六龍歸
天地干戈滿瀟湘鴻雁稀漢宮秋夜月依舊照彤闈

崇陽道中作四首

我行江南春初見農事作及茲旅湖外秋稻半已獲

梁谿全集

卷二

五

隔林聞晚春藁稔積籬落童稚亦熙熙田家有餘樂
溪清石齒齒山遠木蒼蒼落日烟景暮西風粳稻香
茂林歸鳥雀平隰下牛羊月露浩如洗淒然欲結霜
承平無事久萬里盡農桑誰使干戈起坐令民物瘡
關河成阻絕京洛亦淒涼尚喜江湖外斯民遊樂康
連年兵甲興猶幸東南稔食足無叛民間里得安枕
傳聞江淮間蝗旱今猶甚努力事燮調未寒心已凜

宿巖頭詩

天氣沈陰迫季秋通城早發宿巖頭催寒小雨松桂

濕出岫孤雲嵌洞幽
餅錫眞還行脚債
鉗鉞罕遇點
胸壽夜深雲散千峯月
注目寒空獨倚樓

寓崇陽西山定林院有感二首

踰年去天闕長是寓僧廬
雲水志方適軒裳情已踈
午風吹茗椀夜月照牀書
忘我兼忘世此生真有餘

清霜初入候落葉半辭柯
歲晏遽如許時艱將若何

關山空歲月江漢自風波

下闕

梁谿全集卷二

六

巖桂二首

汲水養巖桂最憐風露香
黃花金瓊碎碧葉玉光鏗
却憶七閩路有懷中隱堂
相看久不厭氣味自難忘

閩中多此木余植于梁溪中隱堂幾數十秋至向花香聞數里

遠地見佳木依然如故人
難當禪客意爲折數枝新
自耐風霜早不慙蘭蕙春
慇懃置瓶水寂莫伴閒身

教授鄭昌齡詩

雅望三朝第一流
端如砥柱屹清秋
愛君炯炯無他志
許國堂堂不自謀
夢繞蒼龍新闕角
涼生黃鶴舊

樓頭中興眞主須眞相未雪雙鬢恥未休

次韻鄭教授見寄

泛梗飄萍逐水流故人書到正霜秋扶顛拯溺多迂
論問舍求田更拙謀輦道淒涼沙磧外鈞陳寂莫楚

江頭下闕

灌溪三咏

智閑禪師道場

灌溪

道人卓錫使泉飛一派清甘滿石陂誰識灌溪眞境

界也知只見漚麻池

梁谿全集卷三

七

妙峯菴

結菴雄踞妙高峯孤秀巉然萬境通不見德雲空住
處却須相遇別峯中

清涼境界

松蘿蔭翳色蒼蒼盛夏南風草木香普願衆生無熱
惱不應身獨占清涼

題青龍興化禪院方丈

廓然丈室湛虛明地僻山空萬象清滴翠老杉清淨
色鏘金流水妙圓聲慙慙禪客邀迎厚寂寞宰官身

世輕野鶴孤雲無不可會須還作二龍行

院在青龍山去黃龍

不遠餘皆未到故云

聞山東盜所謂丁一箭者擁數萬衆臨江破黃

州官吏皆保武昌江湖間騷然未知脩禦之

策感而賦詩

時危貴權謀盜賊本王臣招徠駕馭之自足張吾軍

蠶蠶固有毒犀象亦可馴恩威倘得所摩拊還其淳

光武制銅馬曹公用黃巾資其戰大敵且以蘇良民

去年議招撫乃以此義陳置司未閱月來者如屯雲

梁谿全集

卷三十

八

奈何力沮罷坐使復紛紛傳聞中原寇鐵馬動成羣

虎兕出于柙玉石同其焚京輔困抄掠遂及江湖濱

東南久平定郡縣無城闔天塹非不險誰與守要津

古來重鎮地控扼非其人小敵已震懼大者當何云

人謀自回遍天意詎不仁安得迴陽輝一令四海春

得諸季書報薛克寅范茂載胡仲儼皆物故感

愴而作

親故繼凋喪初非因荷戈波驚川閱水霜早葉辭柯

世上故人少錄中新鬼多浮生端一作多端若此傷感意如何

山居四感

鬪雀

翩翩雀噪繞高簷
粒食枝棲安用貪
怒鬪不知絲底事
敗毛輕毳落毵毵

戰蟻

欲雨山雲四面垂
空庭蟻戰久相持
只應薄伐檀蘿國
正是槐安獻捷時

噪蟬

修竹茂林山寺幽
蟬聲如沸滿清秋
吸風飲露無求世
嘒嘒何爲噪不休

梁谿全集

卷二十

九

吟蛩

月露淒清濕草根
寒蛩偏向夜深聞
隨時感氣成悲怨
不是來銷逐客魂

山居四景

松風

歲晚蒼宮鬢髮青
回風披拂自悲鳴
不容逐客多歸夢
故作江湖波浪聲

竹露

森然繞檻翠琅玕瘦節疎枝特地寒底事葉垂渾不
舞金風零露夜溥溥

嶺雲

玉潔烟輕一片深飄然出岫本無心孤雲遠映碧天
去也解重來爲作霖

廳月

月出松林已半廊故開牕牖納清光常城應訝年來
瘦千首新詩書滿床

山居四適

梁谿全集

卷二十

十

酌酒

山禽喚覺不成眠興若長鯨吸百川滿酌菟甌當金
盞陶然便作酒中仙

烹茶

安眠飽食更何求只欠雲腴茗一甌龍鳳不須誇北
苑槍旗且與試中洲

讀書

平生長作蠹書蟬老去猶資慰我心每到古人名節
處慨然掩卷一沉吟

焚香

假榻禪房夜寂然
瓦爐石鼎蕤龍涎
霏微縹緲根塵際
吸引方知鼻觀圓

山居四卉

拒霜

道人多種木芙蓉
曉著清霜分外紅
萬葉千花本句有
因空成色色成空

雞冠

昂然璀璨繞堦除
端似羣雄領衆雛
只有一冠無別

梁谿全集

卷三十一

十一

德誰云魯國向多儒

向一作固

菊

重陽旋覓菊花栽
青蘂蕭疎殊未開
我似陶潛正無酒
休將冷艷笑空壘

槿

步屨秋風見薜華
疎籬灼灼繞田家
朝開暮落君休笑
縱使多時終委沙

淵聖皇帝賜寶劍生鐵花感而賦詩

靖康虜騎窺帝闈
中原慘澹生烟塵
帝謂細柳真將

軍總兵欲使揮浮雲解賜寶劍御府珍魚腸盤屈松

檜紋縷金錯翠丹瑤琨剗截犀象如羔豚驅逐狂寇

丹一作舟

出邊垠妖腰亂領徒紛紛龍吟蛟吼清夜聞乃知此

物能通神爾來杜門空念恩舊事誰復可其論今晨

開匣觀龍文鐵花繡澁蒼蘚痕東南卑濕相蒸薰坐

使三尺光鋸昏安得砥礪來峨岷淬鋒斂鐔劓發新

霜寒冰滑無敲鞞指麾尚可清妖氛願提此劍平戎

獯犬羊雖衆氣可吞手斬可汗羈可敦天旋日轉還

兩君書銘却勒燕然勲攄憤刷恥志乃伸壯懷聊可

梁谿全集

卷二十

七

垂乾坤緹繡什襲傳仍昆衛縮之賜何足云

讀東坡和淵明貧士詩寄諸子姪云重九伊邇

樽俎蕭然今余亦有此歎因次其韻將錄寄

梁溪諸弟以發數千里一笑

迂疎得遠謫漂泊將何依區區一寸心未報三春暉

歲月不我與急景驚飈飛方看社鷺來又見霜鴻歸

寬恩尚廩祿未迫寒與飢荒山俯佳節九日誠可悲

淒涼寓僧舍寂默坐松軒雖辭萬鍾祿尚不自灌園

仲尼猶在陳我厨晨有烟藜羹得一飽滴露味甘

味甘甜一作殊自研

寒窗寫周易更咏五千言儒生真可笑
餓隱稱其賢何以寫吾意寄之朱絲琴
鍾期久已死千古無知音棄置不復彈
調家難繹尋東籬採青蘂濁酒聊孤斟

干駟所不顧一斗誠可飲陶然又復醉
誰識淵明心

骯髒老張鎬寂寞窮黔婁古人日已遠
此意誰復酬

墨翟突不黔仲尼轍環周豈爲一身計
實懷四海憂

且一作但

沮溺且躬耕吾豈斯人儔有酒且徑醉
無酒不必求

佳晨迫九日旅食寓江干頗同謫仙人
漂泊來銅官

樽俎何蕭條菊蘂漸可餐圓風吹青松
慘慘歲將寒

梁谿全集

卷十

三

但有杯中物不愧簞瓢顏一觴復一咏
明月窺禪關

自我去廊廟遠舉如飛蓬殉道敢懷祿
謀身殊未工

空餘耿耿心不慚楚雨奠幸然諸季賢
意氣與我同

何當恩聽歸兵息道路通却尋惠山路
策杖得相從

我家梁溪上夢墮江湖州塊處無與語
誰復爲朋儔

懷遠作重陽置酒臨清流插花獨少我
感物增離憂

我亦事杯杓阿宗相獻酬欲寄一枝菊
川途方阻脩

次韻淵明九日閑居

大地一逆旅于焉寓此生羣陰慘將暮
共愛九日名

氣清霜露肅天遠山川明月戶
藹夜色風林颯秋聲
東籬菊有華可以延我齡采采金瑣碎泛此玉觴傾
一醉遺萬物況復軒裳榮淵明骨已朽干載同茲情
時危丹砂遠歲晏將何成

初寒

霜早風高寒氣萌
可堪獨傍楚江行
貂裘已敝蘇季子
葛屨更穿東郭生
卯酒暈紅潮玉頰
夜爐燃鼎沸松聲
妻孥千里應思我
悵望牛衣此日情

蜜蜂

梁谿全集

卷三

十四

秋風浙浙桂花香
花底山蜂採掇忙
但得蜜成功用足
不辭辛苦與君嘗

病牛

耕犁千畝實千箱
力盡筋疲誰復傷
但得衆生皆得飽
不辭羸病臥殘陽

梁谿先生文集卷第二十一

特進觀文殿大學士致仕隴西郡開國公食邑
四千四百戶食實封一千七百戶贈太師諡忠

定李綱著

詩十七

在湖外作
五十五首

胡笳十八拍

重陽日醉中戲集子美句二首

夜寢夢遊泗上觀重建僧伽塔

次韻淵明讀山海經

梁谿全集卷三

和淵明時運詩念梁谿故居

梁谿八咏八首

和淵明歸田園居六首

小雨

客餉新橙有感

偶得雙鯉付厨作鱠以薦一觴

和淵明擬古九首

和淵明停雲篇

和淵明榮木篇

和歸鳥篇

和勸農篇

和淵明遊斜川

和淵明已酉九月九日之作

梁谿全集

卷三



味澗世四首庚辰秋月之軒

味澗題詩卷

味澗題詩卷

味澗題詩卷

胡笳十八拍

昔蔡琰作胡笳十八拍後多做之者至王介甫集古人詩句爲之辭尤麗縟悽婉能道其情致過於創作然特此一女子之故耳靖康之事可爲萬世悲暇日效其體集句聊以寫無窮之哀云

第一拍

四海十年不解兵朝降夕叛幽薊城殺氣南行動天
軸犬戎也復臨咸京鐵馬長吟不知數傷騎憑陵雜
風雨自是君王未備知一生長恨奈何許

梁谿全集

卷二十一

三

第二拍

黑雲壓城城欲摧赤日照耀從西來虜箭如沙射金
甲甲光向日金鱗開昏昏闇閉氣視六龍寒急光
徘徊黃昏胡騎塵滿城百年興廢吁可哀

第三拍

千乘萬騎出咸陽百官跣足隨天王翠華搖搖行復
止胡塵暗天道路長金盤玉筯無消息色難臭腐餐
風香晚將末契託年少遂令再往之計墮渺茫

第四拍

筋箠精堅胡馬驕，
蚊蛟突獸紛騰逃。
春寒野陰風景暮，
塵埃不見咸陽橋。
中原格鬪且未歸，
隴山蕭瑟秋雲高。
安得壯士兮，
守四方，一豁明主正鬱陶。

第五拍

漢家離宮三十六，
緩歌慢舞凝絲竹。
鐵騎突出刀鎗鳴，
破霓裳，羽衣曲。
明眸皓齒今何在，
細柳蒲葦誰綠。
桃花依舊笑春風，
風動落花紅蕖蕖。

第六拍

憶昔霓旌下南苑，
攀條弄芳畏晼晚。
只今飄泊干戈際，
寒盡春生洛陽殿。
梨園弟子散如烟，
白馬將軍若雷電。
城上春雲覆苑牆，
回首何時復來見。

第七拍

星宮之君醉瓊漿，
矯如羣帝驂龍翔。
龍池十日飛霹靂，
齊言此夕樂未央。
元圃滄洲莽空闊，
羽人稀少不在傍。
深山窮谷不可處，
託身白雲歸故鄉。

第八拍

黃塵散漫風蕭索，
殺氣森森到幽朔。
五十年間似反掌，
瑤池侍臣已冥寞。
千崖無人萬壑靜，
旌旗無光日

色薄萬事反覆何所無注月寒江倚山閣

第九拍

五陵佳氣無時無龍種自與常人殊一去紫臺連朔
漠骨肉滿眼羈身孤金鞭斷折九馬死邂逅豈卽非
良圖人間俯仰成今古豈憶當殿羣臣趨

第十拍

人生失意無南北去住彼此無消息黃蒿古城雲不
開時復看雲淚橫臆猛將腰間大羽箭一箭正墮雙
飛翻汝休枉殺南飛鴻道路只今多壅隔

梁谿全集卷二十一

五

第十一拍

天子不在咸陽宮翠華拂天來向東江間波浪兼天
湧中有雲氣隨飛龍千戈兵革鬪未止無復射蛟江
水中江邊老人錯料事時危慘澹來悲風

第十二拍

漁陽突騎獵青邱天馬跋足隨犂牛幕前生致九青
兕苦寒贈我青羔裘萬里飛蓬映天過歲云暮矣增
離憂如今正南看北斗長安不見使人愁

第十三拍

聖朝尚飛戰鬪塵椎鼓鳴鐘天下聞岸上荒村盡豺
虎衣冠南渡多崩犇何時鑄戟作農器欲傾東海洗
乾坤干戈未定失壯士舊事無人可共論

第十四拍

大麥乾枯小麥黃問誰腰鎌胡與羌漢家戰士三十
萬此豈有意仍騰驤安得突騎只五千長驅向東胡
走藏近靜潼關掃螻蟻爲畱猛士守未央

第十五拍

吾生之後漢祀衰經濟實藉英雄姿遙拱北辰纏寇
梁谿全集卷二十一 六
盜杳杳南國多旌旗傷心不忍問耆舊垂老惡聞戰
鼓悲中夜起坐萬感集誰家搗練風淒淒

第十六拍

雨聲颼颼催早寒歲暮窮陰耿未已燕山雪花大如
席寒刮肌膚北風利羣胡歸來血洗箭陣前部曲終
日死漫漫胡天叫不聞日夜更望官軍至

第十七拍

時危始識不世材成王功大心轉小豺狼塞路人斷
絕一門骨肉散百草江頭宮殿鎖千門不知明月爲

誰好何時眼前突兀見此屋雞鳴問寢龍樓曉

第十八拍

風塵瀕洞昏王室咫尺波濤永相失漂然時危一老翁
灑血江漢長衰疾笳一會兮琴一拍青山落日江湖
白身欲奮飛病在床此心炯炯君應識

重陽日醉中戲集子美句遣興

青山落日江頭白漂零已是滄浪客老去悲秋強自
寬青蘂重陽不堪摘東流江水西飛鷺傳語風光共
流轉急觴爲緩憂心擣休語艱難尚酣戰 聖朝尚
飛戰鬪塵何用浮名絆此身時復看雲淚橫臆晚來
幽獨恐傷神

梁谿全集

卷五

七

籬邊老却陶潛菊開花無數黃金錢且看欲盡花經
眼飲如長鯨吸百川只今漂泊干戈際方外酒徒稀
醉眠腐儒哀晚謬通籍杜曲幸有桑麻田故畦遺穗
已蕩盡中原君臣豺虎邊安得務農息戰鬪武陵欲
問桃花源

夜寢夢遊泗上觀重建僧伽塔纔兩層塔以今

春同普照王寺焚蕩殆盡豈大士有意再來

此土覺而賦詩以紀之

至人於世何所求隨緣應物初不留緣合則應散則
休起滅幻境如浮漚僧伽塔踞淮泗流火焚水轉歲
幾周十國家崇奉德更優雍熙所建無與儔層層金
碧巧雕鏤鑿石作址蟠龍虬簷間寶鈴韻琳瓊勢挿
霄漢神爲謀瑞光煥發垂珠旒青天白日爛不收崔
嵬高殿聳飛樓千楹萬柱煙雲浮誰知興廢相綢繆
鐵馬馳突橫戈矛四方羣盜起如蟲付以一炬成荒
邱慈航濟物衆所^{一作相}麻捨我去矣真可憂昨宵夢到淮
梁谿全集卷三十一

八

上洲率堵再造工方鳩千章巨木回萬牛此豈有意
重來不塔成大士還舊遊更扶休運三千秋

次韻淵明讀山海經

清霜落喬木翠色颯以疎而我正臥病蕭然寓精廬
起坐無與歡散帙聊觀書心遊千載間超詣非舟車
更酌一盃酒薦此果與蔬緬懷陶淵明雅志與吾俱
還看枕間屏乃是歸來圖古人不予欺歲晏將何如

晏一作暮

至人余築室梁溪之上三年而後成手植花木甚衆
遭值世故未嘗得安居其間歲暮羈旅慨然

念之因和淵明時運詩以見意

卜宅梁溪成非一朝面山枕岡遠市近郊修竹茂林
翠連烟霄松桂吐香杞菊長苗旁臨清流塵纓可濯
小閣嵒然九峯遠矚豈無華宇于我自足兄弟墳麓
于焉相樂春服旣成如浴乎沂風乎舞雩咏嘯而歸
自我離羣潛然涕揮拊心念舊電徃莫追今夕何夕
夢還我廬稚子候門兩髦髧如攜幼入室濁酒傾壺
慨我寤嘆誰復如余

梁溪八咏

梁谿全集

卷二十一

九

中隱堂

不在山林不市朝且將圖史當漁樵桂花想見秋來
盛香滿西風取次飄

棣華堂

兄弟墳麓人所推棣華堂裡遠相思艱難世路風霜
急正是鶴鶴原上時

文會堂

親賓情語款衡門把酒揮毫氣吐雲何日寬恩返三
徑一尊重與細論文

九峯閣

小閣崢嶸面九峯暮天秀出碧芙蓉孔明本有躬耕志却合歸來看臥龍

畫舫臨流四面通綠窓面面有清風年來始會虛舟意正在江湖波浪中

畫舫臨流四面通綠窓面面有清風年來始會虛舟意正在江湖波浪中

怡亭

縹緲危亭枕曲池紅粧翠羽自參差晚涼小飲誰同醉定把圓荷當酒卮

梁谿全集卷三

十

心遠亭

境寂心閑物物宜倚欄更看嶺雲飛曉猿夜鶴應思我正好歸時猶未歸

濯纓亭

畫棟飛檐俯碧流何時歸去艤扁舟不須更把塵纓濯直取冠裳裂卽休

余旣居梁溪有田園可樂又生平愛錢塘湖山水園軸之勝常欲治書室湖上買小舟浮家泛宅往來苕霅間以終其餘年此素志也自乙巳歲

爲世網所攫此事便廢而浙郡相繼兵叛盜
起景物佳處鞠爲灰燼今余又羈旅湖外逸

無歸期乃知世間不如人意者十常八九豈

不信然因和陶洲明歸田園居六篇以自慰

人並下云

地一作境

東吳信佳地碧溪繞青山我居枕溪傍卜築亦有年
山空乳滿腹迸出蒼龍淵餘波滑無聲下灌負郭田
秋風粳稻香落照孤鴻間黃雞與紫鱗日滿樽俎前
酌酒燕賓友揮毫散雲烟常謂享此樂可以終華顛

梁谿全集

卷三

十一

豈知縈世故擾擾不得閑側身念吾廬悵望情依然

一爲世網攫未遂脫塵鞅驅馳途路間空積溪山想

我居今若何歲月忽已往三徑將荒蕪松菊日應長

泛舟蒼雪間吾意誠已廣時危方艱難長恐墮渺莽

人生不滿百七十亦云稀吾年值一作甫知命漂泊猶未歸

江湖歲將晏霜露霑人衣滄洲惠詢約生恐此志違

洵一作詢

平生愛武林湖山良冠娛連年兵火作景物成邱墟

常願買一廛築室湖上居開軒蒼翠間手植松千株

浮家同志和來徃得自如樽中酒不空樂死不顧餘

那知今乃爾此懷坐成虛已矣何所道萬法皆本無
每愛賀知章勅賜鑑湖曲而我不須多數頃亦已足
世故俛仰間反覆若碁局良辰逝莫留勝遊當秉燭
明月照芳樽坐待東方旭
我昔居梁溪夢斷長安陌倒冠與落佩志氣良自適
花前飲春朝月下舞秋夕自從喪亂來光景駒過隙
無復舊情懷擾擾爲物役寤寐憂他人自麻初不績
長嘯休去來勞生亦何益

小雨

梁谿全集

卷三

七

小雨庶纖作曉寒繞簷疎竹正檀欒窮愁著論墨長
濕磊塊澆曾杯未乾莊鳥顯時猶越語鍾儀繫處亦
南冠百憂萬感無時了更賦新詩強自寬

客餉新橙有感

湖外新橙也自黃故人相贈解包香擣壘正鱸雙魚
美薦酒聊持一瓣膏湛峴舊栽千樹橘洞庭初落滿
林霜木奴供給何須道悵望東吳雲水鄉

偶得雙鯉付厨作鱠以薦一觴

雙鯉從來丙穴東霜刀縷切膾花紅銀絲藿葉自爭

巧玉筋金盤未覺空德飽姜侯情已重詩成杜老志
應同秋風笠澤鱸尤美何日扁舟入手中

和淵明擬古九首

將一作持

風霜已搖落天氣猶清和聊將一樽酒自飲還自歌
朝心愁不開暮髮白已多朱顏與綠鬢颯若霜萎荷
沅年不我與不飲如老何

驚心如傷禽衰質若凋柳百年能幾時處世安得久
寤寐若有失哀我泉下友平生不識面况復銜盃酒
知心乃如斯此意豈可負管鮑貧時交千古亦云厚
梁谿居士集卷三十一
范張久已亡今人那復有

十一

階禍初甚微智者能要終被髮祭于野幸有知其戒
時乎足諛倭世亂多姦雄坐令夷亂華誕謾本晉風
重華不再作吾道何其窮已矣可奈何此生如夢中
棄寘帝王宅乃欲保一隅一隅豈易保巨盜連荆舒
眷言浙江西有我先人廬兵火偶不到聚族于焉居
羈束未得歸田園日將蕪江邊畏羣寇歲暮當何如
立國有常理恩威撫要荒胡爲決籬籬坐使寇及堂
憑高寓遠目中原氣蒼茫昔時冠蓋地今日爭戰場

玉輦幸朔漠金椀出北坳腐儒獻奇策碧衣坐稱昂
倘無濟時略何以綏四方蒼生未蘇息慨歎情內傷
吾憐靖節翁食少衣不完棄祿緣束帶貴身遂拋冠
簞瓢有餘樂不慙陋巷顏成趣園日涉息交戶常關
返觀富與貴一塵集毫端素琴久無絃適意自可彈
處心慕黔婁抗志同伯鸞斯人骨已朽霜霰時方寒

一作雲松枝幹
老不懼風霜寒

古今紛變愈茲道常若茲處世或窮達否泰各有時
豈無磨與涅貴在不磷緇達人乃大觀曲士多致疑

梁谿全集

卷三十一

古

所以古聖賢立此垂世辭慤勤論出處欲使學者思
周公尚居東仲尼豈余欺愈鈍久乃利餽甌當安之
我亦道窮者欲賦鴟鴞詩結髮慕古人絕俗期遠遊
如登泰山頂志氣小九州古今會遷變萬壑無停流
向來富貴者纍纍但荒邱漢唐已磨滅况復秦與周
惟餘節義士可向編簡求

青松生高崗無意斧斤採歲寒霜霰深未覺柯葉改
梁鴻既適吳管寧亦浮海二子得我心高舉不相待
于生不逢時命矣何所悔

余來湖外家問不通者累月因和淵明停雲篇
以遣懷

上天停雲以陰以雨我之懷矣川路修阻田園將蕪
幼穉誰撫雁信來遲鶴立以佇淒其以風零雨其濛
自去梁溪爰止西江一室蕭然臥于北窓塊獨處此
人誰我從豈無軒裳誰適爲榮人之爲人亦以有情
亂離瘦矣棄家遐征知我如此不如無生今夕何夕
鵲嫋庭柯栽植其尾迭相鳴和發書占之遠問爲多
兆而不至懷哉若何

梁谿全集

卷三

五

霜降木落獨松栢蒼然顏色愈好因和淵明榮
木篇以見意

采采榮木春華于茲及爾素秋風霜瘁之寒暑代謝
榮枯有時改柯易葉翩其隕而蒼蒼松栢擢幹蟠根
風霜雖厲秀色長存君子進德以道爲門歲寒時艱
節義彌完惟天于余賦此拙陋才不趨新學惟求舊
題勉夙夜其何能富屢冒艱危內省不疚先公有訓
豈敢失墜敬慎威儀聖言是畏鉛刀雖鈍駑馬希驥

一割之功十駕而至

和歸鳥篇

翼翼歸鳥爰集于林近萃芳郊遠依烟岑眷言顧之
實獲我心叢木茂止憇此繁陰翼翼飛鳥翩然翻飛
風高天濶去將疇依雲路翱翔倦翮思歸繪繖孔多
無使患遺翼翼歸鳥撫翼徘徊江湖渺茫有懷故棲
顧疇嘯侶鳴聲和諧願言不獲悵然傷懷翼翼歸鳥
集于舊條一枝已多豈俟高標斂翰息影好音交交
願言終此以休永勞

和勸農篇

梁谿全集

卷三

六

天臨下土是生烝民耕食鑿飲乃含其眞涪澆朴散
巧僞相因誰其還之時惟聖人聖人立政爰重黍稷
設命官司職是播植春勤于耕秋乃有穡儲其贏餘
荒歲足食瞻彼中原祁祁平陸春日載陽和氣肅穆

氣一作風

夫耕婦饁儔類相逐少壯竭力逸此耆宿豈無他圖

披一作侵耕一作耘

惟茲永夙利其耒耜十千維耦帶月荷鋤披星耕畝

敦本抑末孰敢游手終年饗殮報則不匱千箱萬倉

以副汝冀爲酒爲醴樂此分至仰奉俯畜夫復何媿

四體不勤丈人所鄙帶經而耕豈廢冠履我思古人

希風往軌躬耕南陽無使專美

秋雨初霽天高氣清獨遊山間意欣然樂之因
和淵明遊斜川詩以紀其事

歲律忽晷晚我生感行休
雨餘秋氣清策杖成獨遊
蒼蒼松桂合中有深淺
流放懷侶樵者忘機狎飛鷗
顧我疎散姿自合在一邱
但恨尙羈束塊處無朋儔
獨酌誰與共獨歌誰與酬
此獨有至樂當有知者不
盜賊紛滿地世故端百憂
置之且勿道獨樂未易求

地一作朕

後重九半月菊始開因思東坡言菊花開日卽

梁谿全集

卷三

七

重陽取酒爲之一醉遂和淵明已酉歲九月

九日之作

地偏菊開晚乃在秋冬交
霜中色艷艷肯遂蓬艾凋
感此節物殊爲爾再登高
玉觴泛金英舉酒望層霄
雲氣有佳色此豈澄發勞
世態互陵滅冰炭方凝焦
不如醉後眠意味真陶陶
何論飲而壽且以樂此朝

